

頤
道
堂
詩
選

頤道堂詩選卷九

錢塘陳文述

古今體詩

贈彭甘亭

兆燕

束髮事結客耳熟彭甘亭十年不得見避面如尹邢今春
河上來把臂吳閶城未及吐肝膈一見先心傾果然絕世
姝修蛾澹媚姪淵雅出靜穆玉潔蘭斯馨渺然洞庭秋楚
天隔湘靈微聞瑤瑟怨餘韻猶泠泠

贈我金琅玕深情託豪素人靜詩則豪未肯死章句紅絲
吐春蠶白筆殺秋兔樓煩詩更佳捶字堅鐵鑄沙月照雄
關邊花弔古戍本朝疆域廣亥豎不能步詩人畫麟閣

各有題詩處君詩介其間壁壘甚堅固
詞亦復佳風起
謝庭絮

君更工於文擅長在駢儷此道久晦塞代遠不可計蕭統
集文選津梁本相逮六朝與三唐菁華雜蒙翳宋人稱四
六邊幅極流弊今之洪太史絕學遠相繼君乃整旗鼓長
城叩秦系相如與子雲沉博而絕麗願君惜筆墨爲我開
餘地

我無百里才君有千秋業已倒蔡邕屣兼下陳蕃榻非值
仗師資兼欲論古法君才若河海我亦淪濟澤或者疏其
壅得附百川納豈料延平津神劍不終合安知非我幸元
白免遭壓羸師誘大敵定有一詩答

和作

彭兆蓀

甘亭

弱歲涉學林如海迷西東汎濫乏真得源塞流豈通繆
爲輦悅詞浮葩翦青紅卽降論枝葉精鏐雜頑銅自信
無一可毀譽百念空頗思迴軌轍正學加磨礪可憐登
頓疲塗識力已窮奈何過差譽數枉諸宗工得無重我
過情又萌瞳矐退豪如枯菱行復茁數叢旣誤燕石寶
終藉他山攻

文章總空言體不分駢散自從東京來衆著日星爛沿
洄暨六代文質各參半要有真意存瑚敦非俗玩同爲
古文詞貌異神一貫三唐未陵遲兩宋道乃判方今此
事昌數老詞場冠吾黨二三子高文各璀璨蒙也希雅

音隨衆學操縵終嫌榛楛雜有待治鋤鋟狠辱癢痴嗜
幾忘魯鼎贗可憐費精神無益自顏汗所就迺止斯廢
書喟然歎

陳侯浙西豪文翰早飛走一編碧城集光譽騰萬口珠
林吐滂葩古錦織妙手神仙排雲霞金碧燦軒牖或爲
驚鴻翩旄旗嬉左右或爲古勁裝長劍倚星斗隴廛見
孟姬自顧真老醜惜哉枚馬才不逐金張後抗顏走黃
塵束帶膺墨綬昨歲官瀛壖搏桑一翹首作爲觀海篇
雲夢吞八九我聞成連琴祇在山林藪浩蕩天風中知
音有人否

一樹老梅蕊半椽舊草堂殘年風雪中遊子初還鄉剝

啄枉車騎深譚見衷腸三歎作吏難
朽鑿殊圓方復惠六篇詩新詞瀉琅琅
訂以車笠盟許以名山藏高情篤
深眷法曲彈清商萬念洗冰雪都非
少年場得爲且自勉不獨在文章
弇山聳寒碧海水搖晴光努力追前修
視此鬚鬢蒼

自題小影六言十首

第一樓頭飲酒無雙亭上看花北地關
山馬客西溪煙水漁家

月地花天盡舫粉圍香陣詩仙孝穆玉
臺一序齊梁宮體百篇

蔚宗天下奇作伯喈曠代逸才我思古
人不見碧雲日暮

徘徊

夢裏玉天新詠意中花
海扁舟別有瓊思瑤想
茫茫萬古千秋

玉女凌波解佩琅嬛翦燭譚兵一笑英雄兒女紅梅白石三生

李白狂吟百首江淹彩筆一枝無數江南佳麗雲藍翠袖題詩

不堪將相功名但可神仙遊戲生平知己蛾眉小印蕊蘭書記

花月一雙銀扣煙波四百畫橋第一消魂時節吳娘水閣瀟瀟

龍城萬里遠遊鳳闕十年小住梅花明月水邨我道不如歸去

張融萬言賦海賈讓三策治河試問征夫憔悴何如老子婆娑

花朝前夕對雪與頻伽良甫夜話

殘燈欲燼酒初闌悶懣同嗟蜀道難二月尋春移短櫂十年感舊憶長安紅樓天遠琴聲急碧海人歸劍氣寒正是水犀傳箭日雪花如雨落軍壇

晚渡太湖

暮色西來暗綠蕪紅樓人遠客心孤春陰如水天如墨一葉輕帆過太湖

月夜泊垂虹橋

扁舟渡太湖繫纜長橋側不見桑苧翁煙波自寒色
一片松陵水茫茫夜色中吹簫人寂寞殘月下垂虹

夜過松陵

澹墨香殘絳蠟銷夜天星斗共迢迢櫓聲如雁春寒重寂
寞松陵十四橋

送素山之楚北並寄家雲柯太守兼懷默齋總兵閩
中

風絮雲萍各可憐迴頭往事總如煙鶯花吳苑才人淚風
雨彭城骨肉緣令弟盡山客予碧城萬里關河來酒後十年離合動
燈前春江水碧春煙白又挂輕帆漢口船

芳洲煙樹晚蒼蒼
吹邃江城夜雨涼
才子高文追屈宋
美人香草種瀟湘
章華雲散荒宮殿
赤壁烏飛古戰場
辛苦當年領戎幕
封書珍重寄元方

橫海才名更出羣
馬前草檄久推君
春雲仙荔酣紅玉
夜雪梅花乞紫雲
畫戟談兵杜書記
羅囊賭酒謝將軍
牙旗風穩樓船靖
芳草汀洲憶夕曛

雪裏飛鴻逝蹟畱
送君爭得不牢愁
江南花月原羈宦
楚北山川更遠遊
夢短香殘懷鏡閣
雨絲風片過蘇州
匆匆莫忘題襟別
綠水橋邊好畫樓

喜曼兄改官江南

與君河上共前籌
一表重看薦馬周
山判羅浮終竟合
水

分江漢總同流兩家壇坫開新壘十載琅嬛憶舊遊回首
恩門天萬里屬車春浞話長楸

兄方從梅庵
宮保入都

奉陪雲臺師遊支硎天平靈巖諸山

一轉橫塘曲春山滿畫船停橈彩虹下問渡白鷗前殘雨
暗如夢微波澹有煙江南好時節紅過落花天

香水谿邊路天平道上花紅牆懸古寺綠樹過人家曲澗
迴晴雪危樓界斷霞林泉話高致選石聽啼鴉

騎將扶輿上門生載酒從湖波來渺渺嵐翠起重重林鳥
隨時聽山花到處逢不知峯遠近面而是芙蓉

望望靈巖頂峯巒到眼開苔痕故宮盡帆影具區來響屨
留遺檻橫琴有廢臺館娃當日事弔古不勝哀

寒山懷趙凡夫

林鳥猶迷路巖花代閉關遙知碧峯裏祇有白雲還
風月湖山美神仙眷屬間門前幽澗水終日聽潺湲

千尺雪

梅花香雪海路轉青山陰蘆花秋雪庵棹入西溪尋
茲雪更奇絕飛泉落遙岑春風吹不消夏山積更深
斷續出林樾歸墟不可尋澗花紅藉屐巒影翠墮襟
欲去彌徘徊坐聽潺湲音冰絃譜幽壑響雪橫青琴

靈巖山館弔畢秋帆尙書

金碧樓臺潑翠重闌干紅出萬花中曾聞綠野開裴
相未許青山老謝公籌筆路遙春色斷騎箕人去暮
天空讀書

當日畱遺蹟滿地斜陽送斷鴻

上沙訪徐侯齋先生澗上草堂

淵明晉高士思肖宋遺民龍戰悲當世鴻飛竟此身山深
長閉戶林靜不逢人欲問迴車處蓬蒿古澗濱

月夜行琴河道中

綠樹翳微月濫濫影在水時復出波心清光湛如洗扁舟
從何來水花隨棹起月痕忽破碎百道流紋駛舟去波漸
平波平月亦止矯首觀碧空湛湛澄不滓水中月若彼天
上月如此空色一而二消息有微旨悠悠會仙心如如參
佛理船頭清露下已過三五里前渡近人家樹亦多於薺
雲月與水月又入碧陰矣

曉起雨中望虞山

餘春將盡尙餘寒嵐氣如人夢未殘一片海虞山下路西
城樓閣雨中看

寓琴河蔣氏園

春水琴河曲名園說蔣家池光宜受月石氣欲生霞碧樹
分庭蔭紅闌逐路斜微風吹紫雪細細落藤花

亂紅吹欲盡新綠上平臺接葉流鶯老窺簾乳燕來踏花
行宛轉啜茗坐徘徊靜到無言處微吟感落梅

硯落風前絮琴遲雨後微桐陰清曉簾松影上春衣紈扇
香初覺羅袂露未晞遙知有遊女胡蝶作團飛

小樓花缺處花外卽青山遠塔三成見高城一角環湘簾

鬢影得江鏡黛痕閒別有勾留地沉吟憶玉顏

孫子瀟太史招集雙紅豆齋雨中餞春

孫郎文藻照江東讌客高齋賦落紅感舊詩吟花影裏餞
春人在雨聲中觚稜夢遠迷金馬燭暈寒生炮玉蟲惆悵
蕊珠天上事雲鬟香滿畫屏風宛仙女士以蕊
宮花史畱見示

蕊宮花史曲

一人翠袖神揚揚鴻衣羽襖垂玉璫梅花之精華若英霞

霞一人玉貌無比方冰絃玉指彈清商騷之苗裔蘭之芳

屈苑一人女凡之雌皇華芝遠采三山岡瀛洲玉雨飄迴

塘言彩一人仙袂揮霓裳絳仙眉黛連娟長前身合是花

中王吳素芬一人湘管翡翠牀石榴褰褶佩玉璫左顧而盼

曰姬姜

清屈婉

有美一人靜且莊
窈窕樹斜倚飄飄黃蓮花世

界金風涼

葉芳茗

玉階聯襪襪桂鴈穠者丹桂

言潛

幽紅棠

李餐英

芙蓉滿城菊滿觴小姑青溪

蔣蜀聲

姊昭陽

趙若水

寶兒

司花花滿堂垂髫稚齒哀杏殤

陶菱卿

誰其殿者驚鴻翔如

神在洛娥在湘桂旗采旄心徬徨

席道華

司十二月月有光

司十二花花有香仙乎仙乎何能忘是耶非耶迴相望何

以稱之十八孃何以贊之十三行何以薦之百末觥何以

供之七寶裝琴河之水流湯湯海隅之山橫蒼蒼眞靈位

業皆吉祥千春萬春春未央

半野堂

爲柳如是初訪牧翁之所余居蔣氏園牆外小巷

居人尙沿此名子瀟謂余寓處正半野堂舊址指
園中喬木爲證事或然耶喜而有作

尙書遺事久滄桑此地猶傳舊草堂暮雨樓臺春寂寂月
明煙樹夜蒼蒼絳雲人去琴河淺紅豆花疎鏡檻涼笑我
經旬閉門坐更無遊女踏斜陽

招真治

梁天監二年建簡文帝有碑今名致道觀

海上羣真信可招鐘聲如應午時潮神靈應運新迎蔣帝
子殘基舊姓蕭古檜有壇森北斗庭有七檜名七斷碑無
字認南朝重來擬鑿寒陵石巨筆元卿久寂寥擬重勒舊碑以還古蹟

詠梁朝僧

此是蕭家樹無人記手栽仙壇七星起明月六朝來湘苑
空流水臺城幾劫灰惟餘喬木在春雪又花開

破山寺用唐常建韻

寺在虞山北嶺齊時邑人郴州刺史倪德光捨宅
爲大慈寺梁大同三年改興福寺唐咸通九年賜
名破山興福寺曰破山以龍鬬山裂故也深澗石
橋氣象幽古寺門外唐時石幢二一刻平原陸展
書一刻京兆全貞書山徑古樹極多皆數百年物
新陰蔽天人馬皆碧常建詩所謂初日照高林者
尙可想見輒和其韻

萬樹過春雨綠陰成古林偶然出城遠復此入山深龍去
抱仙蛻虎慈明佛心齋鐘隔雲響泛作海潮音寺門外卽
破龍澗寺

舊有救
虎閣

破龍澗

龍走壁山山骨裂澗底晴噴萬重雪至今石氣生空潭古
水悄悄透龍穴龍去何避來何爭白日定有風霆聲青天
蕩蕩正空闊當時何不空中行龍不裂山山不破龍去山
空寺松大終古竊然碧一泓依舊神龍抱珠臥高林綠樹
交陰深澗水靜聞琴筑音甘霖卽在間雲裏中有神龍萬
古心

自破山循山徑至維摩寺

入山不厭遠一重深一重登山不厭高一峯生一峯仄徑
緣巖腰亂草穿丰茸有石皆虎豹有樹皆虬龍樹根馬踏
影石磴人支筇閒雲過靉靆遠翠飛芙蓉漸至最高處海
鏡明虛空上嶺復下嶺導客生清風遠望綠陰綠已露紅
牆紅悠然閣林杪知是山樓鐘

維摩寺後樓觀海

搖空海綠接東瀛東下江流似有聲此是頻年挂帆處山
樓坐看晚潮生

水犀辛苦水仙頑萬里銅沙鑲玉關何處樓船能下瀨青
天一髮是狼山

鬢絲禪榻共消磨知是芬陀與曼陀天女散花真絕世安

禪祇學病維摩

齊女墓

太平寰宇記云常熟虞山有仲雍齊女墓東是仲
雍西是齊女梁簡文帝虞山招真治碑云遠望仲
雍而高墳蕭瑟旁連齊女而哀壟蒼茫是齊女墓
與仲雍墓近也今考仲雍墓上爲辛峯亭亭下高
阜隆然土人舊稱爲齊女墓又山之北境最高一
峯名望海墩土人亦稱爲齊女墓上有石柱二是
二者余皆親歷其地按吳越春秋吳太子娶齊女
思齊而病將死曰必葬我虞山之巔以望齊國闔
閭傷之如其言葬虞山之巔以云巔則望海墩爲

巔而辛峯亭非巔也簡文帝碑及寰宇記皆後世之言不若吳越春秋爲可據矣

虞山黛色晚愁生遺冢荒涼古隧平女子善懷偏遠嫁君王流涕本多情不乘秦鳳雙仙去何處齊煙九點橫記得落花春水路高城猶有望齊名

蘇州齊門亦名望齊門爲齊女望齊而作也

同作

孫原湘

發發何魴出水肥鸞車送女淚沾衣竟隨紫玉成煙去未許清簫跨鳳飛一卷春秋臣畫短數聲徵角國風微香魂泣盡芙蓉露滴向滄溟那得歸

拂水巖訪拂水山莊遺阬

倒捲天台瀑東風拂水花迴波匹練起急雨亂絲斜潭影

明孤鷺林梢散暮鴉青溪殘址盡何處段侯家

人說錢園址

土人猶名錢園

湖濱近石梁月明秋水閣花落耦耕

堂柳隱真佳麗

柳如是名是亦名隱

松圓亦老蒼

謂程嘉燧

言尋紅豆樹

問渡指東鄉

紅豆樹在東鄉近白茆港以爲在山莊者誤也

三峯寺

殘碑遺六代古寺鎮三峯翰墨輝天藻莊嚴見佛容層巖

開面面孤塔表重重旛影靜移竹經聲冷抱松潮生秋殿

梵霞閣晚樓鐘法界通殊象經雨衛八龍

寺有藏經閣

餘紅橫

石瘦新綠拂衣濃斜日出門去白雲何處封

絳雲樓

余寓蔣氏園卽半野堂前詩作成適子瀟見訪言

絳雲樓舊在半野堂余寓卽絳雲樓舊址作絳雲樓詩

小巷烏衣問夕陽
高樓曾起合歡堂
浮雲西北橫椒壁
初日東南照杏梁
花底玉顏憐女美
鏡中烏帽學男裝
緣知本事詩成夜
翠羽蘭膏徧畫牀

琴河流水染羅裙
金碧樓臺暗夕曛
楊柳春風宜子夜
薔薇花影憶夫君
遺詩寫韻編初學
別室譚禪署我聞
一縷華鬢吹不散
絳雲原是美人雲

別朝詩傳記同修
絲竹東山互唱酬
記訂三生前七夕
可憐一死獨千秋
紅顏慷慨成佳俠
白首淒涼弔隱侯
天水蒼茫說遺事
不知花月在眉樓

洗紅拾翠詠冰紈小住經旬感百端碧瓦早隨春夢散羅
幬無復劫灰寒畫眉影細調螺寫書目香濃拂蠹看回首
高樓何處是晚霞紅徧畫闌干

暮登小樓玩月有懷

小樓出花上四照見天碧暮色橫遙山悠然日之夕遠樹
何蒼蒼繁星亦脈脈須臾明月上照見樓中客明月生東
南高樓出西北青山更在西黯澹漸如墨高峯得月先漸
轉芙蓉色一峯明一峯峯態千百琴河抱其麓歸舫應
不隔吳苑與錢塘瞻望正靡極不知月輪轉已過小窗側
坐久忽回首一角衣稜白

玩池中樹石影

曲池緬激波石壁撲寒黛綠葉交青苔老樹隱其背倒影
池水中清陰大可愛樹葉密復疎逗出天影碎晚風吹微
波上下紛作態尺水本非深澹遠不可盡游魚行空中滌
漉仍不礙小橋臥宛轉紅闌靜相對乃知濠梁意會心不
在外一角白蘋花微馨送幽巖

蔣園雜詩題小樓壁卽以畱別

蔣家三徑未全荒合署西虞舊草堂半畝藤花鋪紫雪青
鞵來尙踏餘香

四照樓頭四面天天光長映畫簾前青山更在樓西面靜
看斜陽墮晚煙

笛聲吹月過迴廊花影紛紛滿畫牆坐到疎星下樓角綠

陰如水羽衣涼

百年喬木絕棲鴉不覺清陰易日斜松影滿池苔滿地惜
無仙鶴守梅花

雨絲風片不須愁芳樹簾櫳夏似秋昨向辛峯亭上望春
陰如夢罨紅樓

碧瓦銅溝別院門藏春仙館夢畱痕平泉花木無人記可
惜南沙宰相孫

奉和席道華夫人見題拙集之作卽用原韻

少年辛苦學縱橫秋鶻盤絲一決明越女劒端尋妙悟湘
靈瑟外寄多精神仙易作成奇想福慧難消是薄名自笑
前身是頑石生公臺畔說三生

換醉當壚紫綺裘半生浪蹟美遨遊雲中白月三秋戍江
上青山一葉舟賦寫閒情騷寫怨花消英氣酒消愁他年
獨采華芝去玉女盆邊看洗頭

閭闔天門詆蕩開風輪一墮卽塵埃文章敢望千秋業經
濟慚非一代才階下櫻桃李長吉江南梅子賀方回連環
團扇生平事吟煞溫家玉鏡臺

書記風華感歲年琴河絃上泊吳船水中雲影閒如夢鏡
裏花枝靜入禪金粉樓臺閨燕寢綺羅人物寫龍眠蕊宮
第一人如玉肯擲珍珠上絳箋

原作

琴河席佩蘭 道華
女士

廿年才筆九州橫五色江花楮葉明賦出寶刀無敵手

願道堂詩選卷九

古

歌成團扇有深情青山徧賞元暉句紅袖爭知小宋名
夢入碧城仙界穩果然風格玉溪生

珊瑚鞭子鵲鷄裘藻思翩翩入洛遊左右常抽何憲簪
神仙每共李膺舟玉天自種三生慧入海難消萬古愁
手爇紅箋書綵筆年年送客鳳池頭

三度看花不肯開芙蓉雙劍拭紅埃烹鮮卻借雕龍手
飛鳥誰憐倚馬才宮體百篇懷古作商聲一片帶秋回

蛾眉幾個真知已曾費金臺序玉臺

君曾爲楊蕊淵女
士金箱舊說序

吳門香夢住年年四百飛橋六柱船七寶月輪仙子魄
一簾花氣美人禪詩才判牘春生坐官燭分題夜廢眠
消受湘君下塵世

謂湘玉
夫人

雲藍親爲掌書箋

琵琶行聽雲間余秋圃彈玉樹後庭花曲

隱囊慵倚金釵底自研紅綃吟結綺有客當筵抱月來四
條絃上秋聲起老去昆侖感歲華俞家指法出蘇家後庭
軼事從頭記彈山南朝玉樹花子絃輕撥么絃重此時後
庭花始種燕髻鴉鬢鞞盤雲黃奴膝上春如夢銀甲旋揮
十指迴此時後庭花漸開景陽鐘動曉妝畢翠華銅輦君
王來檀槽漸轉銅絃壯此時後庭花正放狎客爭題十種
箋朝朝夜夜春無恙流鶯語細水波柔此時後庭花漸秋
桂宮仙影散金粟嫦娥璧月臨高樓玉盤宛轉珍珠錯此
時後庭花欲落春雲不起望仙宮秋風漸到臨春閣鴟雞
啼急中夜寒此時後庭花始殘石闌紅淚點苔薄燕支井

底無波瀾流珠急轉銀瓶瀉此時後庭花已謝玉碎珠沉
粉黛空青溪水冷穠春罷後庭花花幾株貴妃貴嬪好顏
色三閣複道通縈紆後庭花誰最好絕代嬋娟張麗華蘭
雲鏡裏蛾眉掃後庭花開幾許軍書不動御牀閒十年恩
寵春風舞後庭花落更開花魂幻出翠眉嫵新聲重唱吳
公臺吁嗟乎桃葉山前森戰壘朱雀桁邊血流紫都官老
去將軍降美人獨爲君王死從古繁華總寂寥隔江商女
唱春潮隋宮欲譜瓊花曲明月揚州又六朝

夢中紀遊

鵝鼻山前汗漫遊白蘋花碎綠蘿秋臥看翠壁紅樓起身
在滄江一葉舟

攝篆吳淞籌筆海上寄呈鐵梅庵制府阮雲臺中丞
孤城滄海上橫堞壓驚濤滬濱新軍壘樓船舊節旄雲沉
戍旗暗天遠礮臺高楊僕威名將聞來話六韜

制府邦之鎮行邊昔視師將軍受方略父老說旌旗靖海
勞全算籌河又一時江南望江北暮雨戟門遲

草檄金戈上譚兵玉帳前水仙避旗鼓颺母息烽煙燕寢
書三策瀛舟夢十年琅嬛詩弟子今日亦籌邊

不憤孫盧輩頻年尙橫行瘴深橫海渡霜冷伏波營龍雒
封諸將魚麗簡騎兵誰能探鯨穴貫索縛長鯨

黃陶庵先生祠

百年海內誦高文兄弟同爲死節臣與弟惻
耀同死立品原從讀

書出盡忠何必受恩身鍾周末路知難見陳夏前頭好結鄰今日此邦來守土荒祠親與薦蘋蘩

贈楊節鎮華

節鎮名華官江南崇明鎮水師總兵移駐吳淞居樓船者五年矣

將軍原是楊無敵橫海舟師自一軍眼見蛟龍皆舊識身經島嶼卽新聞水犀組練明秋月赤馬帆檣擁陣雲此是江南門戶地樓船鼓角臥斜曛

寶山是明永樂中平江伯陳瑄所築

寶山高高三百尺誰其築者平江伯晝懸軍旆表江城夜點神燈招海舶燕師南下內難平黃袍灰燼無蹤蹟已駕

變興興北京更遣樓船徧西極從此倭夷貢市通奸民構
禍勞兵革東南瘡痍數十載良將艱難賴俞戚亦嵌島嶼
踞飛黃平壤烽煙阻關白豈知開國有厲禁不許帆檣逐
潮汐 本朝威德被海外曰本市銅歲千百中原回易付
商賈長崎宴享勞賓客卽如此地古吳淞瀛海環南浦橫
北遼瀋豆麥閩粵餉往來不斷雲帆黑兩鎮礮臺互控制
列戍吹笳響鳴鏑殘砦一簣尙隆然往往兒童拾殘甓夕
陽曬網有漁舟西風颯颯吹蘆荻

同楊節鎮登吳淞礮臺望江東戰艦

戰船樓櫓鎮江東秋入高臺一望中江上雲霞明組練潮
頭風雨避艨艟孫盧未靖猶傳箭閩粵何年始挂弓來與

將軍其籌筆碧雲無際海天空

寶山東門外石隄是前尹胡公

仁濟

所築民祠祀之

卽書祠壁

樓堞秋濤裏安危仗一隄遙環淞水北方卻海潮西峭壓

龍宮險平臨雁戶低裔孫書塾在尸祝感餘黎

寶山民延公孫某卽

義塾
祠旁設

吳淞夜歸望隔江戰艦燈火甚盛

吳淞潮落水漫漫擊楫中流夜色闌遠見帆檣列燈燭久

知烽火報平安星辰影接江東路刁斗聲清上將壇多少

健兒枕戈宿海風吹女不勝寒

喜犀泉至連夕小瀛舟翦燭話舊因成四律索和

萍蓬蹤蹟感風塵又向青天聚雁羣秋水吳淞初落葉月
明滄海正思君煙波畫舫春前夢烽火高臺日暮雲今夕
天涯重話舊一盃詩卷異香熏

卷中何處最魂銷江上青山送六朝獨客帆檣聽夜雨嚴
城鼓角臥春潮畫成鼎嶂人千里吟到斜陽酒一瓢記取
邊淮同翦燭打窗風葉響蕭蕭

小院迴廊過謝家能紅閣外月西斜祇因宋玉工惆悵去
學樊川賦狎邪玉簫聲遲花似雪珠簾影細鬢如鴉不堪
重話揚州事曾翦銀燈賦夢華

橫海樓船賦遠征瀛舟秋老夜譚兵潮平碧海雲無際風
定銀河雁有聲湘管題襟花四壁吳鉤拂燭月三更語君

一事知應笑法曲雲璈奏碧城

軍門公讌贈劉軍門勞

嚴城鼓角晚衙催軍令分明共舉杯金戟兩行扶月上銀

燈四壁照秋來臺澎水落窺魚國

楊節鎮譚海上事

戈壁霜寒老

將才

軍門譚

我亦生平行萬里爲君援筆補齊諧

小瀛舟夜坐有懷雲臺中丞師浙中

琅嬛籌海地水榭署瀛舟月上珠簾夜香凝畫戟秋晚花

開楚珮殘燭照吳鉤省識占星坐銀河入檻流

簪筆曾參佐今來海上城小兒知破賊老將解譚兵韓范

同持節

謂梅菴宮保

孫盧尙橫行今宵好風月揮羽聽潮聲

吳淞參將署是宋韓蘄王帥府明戚少保亦駐節於

此

鈴閣風清夜色寒
伏波龍節舊軍壇
斬王功業中興重
少保威名半壁安
月滿鳳弓春較射
花明鴛陣海迴瀾
於今誰解籌邊略
史傳新書著意看

答婁東蕭樊邨見贈之作
卽用原韻末首兼懷曼生
蓉裳

江湖我亦白鷗羣
滄海煙波幸識君
茂叔襟懷原霽月
相如詞賦本凌雲
六朝松石從人賞
一卷華嚴證我聞
安得西窗同翦燭
瀟瀟涼雨夜論文

狎主騷壇絕世姿
年來雙鬢漸成絲
劉攽經術君無愧
任昉文章我所思
握手共商千載事
賞心各有一編詩
眼前

名輩誰傾倒舒雅彭錢總絕奇

謂鐵雲甘亭

莫將花月比司勛自有文章繼子雲宦海飄零猶剩我名

場憔悴最憐君倉山月落思臨汝

謂隨園

圓柳波寒弔右軍

謂蘭泉司寇

三十家詩誰第一都從騷雅乞靈芬

方議選乾嘉以來三十家詩

元方才調亦清新吟館聯牀感風因酒送柴桑同作達集
編華聘其行春機雲作賦知誰勝元白齊名恐未真數到
二陳吾已媿更勞人海說楊陳

原作

斐東蕭掄樊邨

江南有客愴離羣海畔棲遲幸識君才子宦情清似水
古人交誼願爲雲登樓籌筆波濤靜隱几彈琴士女聞

記得放衙人散後滿身涼月坐論文

豪宕襟情瀟灑姿果然標格似袁絲美人月旦君何忝

歸佩珊夫人謂君神似簡齋子亦云然前輩風流我所思此日碧城同翦

燭當時柳谷記談詩替人終出西湖上如此江山信是

奇

才人翰墨各垂勳我愛梁溪楊子雲

謂楊蓉裳農部也與君至交詩體俱

宗梅邨幾

摘豔薰香都入古裁雲鏤月恰如君直將蘭

契齊雙管似爲梅邨張一軍相對倍添懷遠意芙蓉何

處挹清芬

蓉裳有芙蓉山館集

持贈瑤篇字字新梵天香火有前因吳淞煮茗同消夏

茂苑看花又過春王榮到門情不淺君苗焚硯意原真

風流我更元方慕

謂君家曼生明府

才子西泠數二陳

楊節鎮招陪劉軍門樓船夜讌

劉章按劒親行酒楊僕橫戈夜扣舷
記取春江花月夜將軍與我讌樓船

暮雲消盡海天青
夾艦魚龍水氣腥
何物尊前堪下酒
壘中一卷握奇經

簫鐃聲裏騁雄談
風雨橫飛酒半酣
正是琅嬛籌海日
羽書飛過大江南

隨潮解纜晚涼生
羊侃風流繼石城
只少舞人張靜婉
橫吹鐵笛作邊聲

水仙樓櫓尚紛紛
瓊海烽煙暗陣雲
迴首粵南天萬里
一

杯遙酌李將軍

歸去嚴城玉漏催
吳淞水落暮潮迴
海門一片青天月
曾照將軍武譙來

十四夜嚶城金氏釀花館對月同謙谷

青天何夜無明月
難得今宵圓不缺
明月亦非今宵圓
今宵難得當我前
見月亦非今夕始
難得浮生閒若此
浮生閒適亦時有
與君難得同攜手
玉輪對我何團圓
此月惜不家中看
若使人生亦如月
一樽應復銜清歡
微風蕭蕭滴珠露
中庭秋滿雙桐樹
樹陰窺見青天青
時有流雲自來去
流雲漸澹月漸低
與君今夕眠應遲
金井葉落棲鴉啼
一星流過銀河西

吳淞觀潮有懷雲臺師浙中

十年臥聽廣陵濤又見吳淞上晚潮萬白鷺翻秋雨急一
青螺澹暮雲消水仙艘牒今何在颶母森輪莫更驕迴首
錢塘江上路有人竝海擁征輶

西嶼行聽楊節鎮話澎湖大珊瑚樹作

西嶼在澎湖之南山石壁立直下如削海水極澄
澈見底多黑石類黥有珊瑚樹四株大者合數抱
精燭光怪寶氣所潤是多文石有大魚十餘環樹
而息似典守者疑釐也水極深懸綫百丈不及底
昔將軍過此寄旋曾親見之余愛其奇謫可補夷
堅諾皋之遺因括其意以作歌

臺澎一角青螺浮海水倒向西南流瀛波清淺寶氣赤其
下卽是珊瑚洲珊瑚爛爛生海底一樹橫撐三百里盤根
疑抱扶桑枝倒茄應結蟠桃蕊帝心愛逾瑛瓊瑤守以十
五之連鰲世人俗眼不相識但見一碧涵春濤鰲身不動
崑崙與珊瑚枝直上雲霞變橫海將軍寄泊時刀鏤夜叩曾
親見吾聞海中瓊瑤無不奇昔所未聞今見之盤古淚化
蘭錫石嬰武地近區新陸卽如吳淞寶珠皎如月騰光夜
逐風濤移此樹於今應更長釣竿欲拂生遐想會須攀汝
出重淵九州鐵鑄千絲網

奉陪薛軍門 大烈 登吳淞礮臺籌海

將軍三箭定天山弓挂扶桑手自彎方略帝知趙充國威

名人識李光顏旌旗久已驚銅馬鎖鑰曾聞領玉關今日
虎符鎮江左軍書畫靜戟門閒

大牙旗捲夕陽高滄海天風起怒濤掃蹟定應煩虎旅籌
邊原貴讀龍韜銅沙薜角門關固馬蹟鶯遊戍守勞聞道
水仙猶伏莽鮫涎腥上玉鐙刀

材官身手豹頭姿曾與元戎大出師海上早傳都尉箭軍
前頻奪郅支旗韋皋功業華戎奠馬燧威名贊普知今日
登壇定懷舊恩門迴首不勝悲

公出故福
郡王麾下

東指重溟浪拍天桓桓節相屢籌邊

謂梅庵
宮保

潮迴滙瀆袁

公壘花滿弓刀楊僕船經歲孫盧仍遁蹟一時褒鄂定齊

賢

謂楊節
鎮華

江南門戶勞

宸念簪筆何堪共仔肩

韓蘄王犒軍酒罌歌

吳淞爲宋韓蘄王建牙地居人往往於海灘掘得
犒軍酒罌貯水供花能耐久不落土人呼曰韓瓶
姚藕房學博以其一見貽作韓瓶歌

海門風急春潮腥土花蝕破苔花青鴉鉏聲停酒氣出傳
觀說是韓王瓶十萬樓船靜鼙鼓韓王此地曾開府劇飲
歡騰萬馬酣投醪恩徧三軍舞百戰威名海內知鳳凰弓
上舊銘辭刀光如雪人如玉想見軍門武譙時軍門譙罷
還頒賞歸鞍唱答提壺響琥珀濃熏帳下兒蒲桃醉煞降
王長可惜金山戰鼓聲臨安麴院臥殘罌祇今斷戟沉戈
外畱與居人戰後耕吁嗟乎建牙石鎮江流古

在江
閩兵

臺遠遲官鼓背嵬如見岳家軍埋骨誰憐趙家土燈火樊
樓付夢華騎驢歸去感樓霞不須更飲黃龍酒且供西湖
自種花

秋夜舟中見新月

新月送扁舟微波帶月流蟲聲疑在水雲氣漸成秋長笛
生新怨清砧動淺愁遙知滄海上又照玉人樓

錢叔美歸自滇南僑寓秣陵以書見寄喜而有作

疑是滇南萬里書秣陵秋雨寄蘆蘇歸從汨水蒼山外曾
見碧雞金馬無當日悲歌同北地祇今蹤蹟共東吳因君

忽憶京華客

謂金粟

更展西窗翦燭圖

婁東聽雨懷彭甘亭蕭樊邨

宦海水西流浮生寄一舟雨聲孤枕夢花氣半城秋君是
雲間鵲吾眞水上鷗相思不相見日暮迴含愁

八月十四夜朱椒堂兵部過訪吳淞官舍下榻小瀛
舟話舊竟夕成七言古詩一章

庭樹蕭騷落江雲浩蕩回秋宵明月上海上故人來故人
昔其琅嬛館提籍韓門事編纂君譚金石我詞章翦燭西
窗嫌夜短故人昔其長安城長安少年多盛名雲繪園中
弄春色昨葉堂上吟秋聲春色秋聲等閒度別君宣武坊
前路一官容易到江南故鄉卽在花深處今年小住吳淞
口海上孤城大如斗盈盈一水潮鴛湖懷人折盡吳淞柳
吳淞潮落碧雲秋一葉征帆暮不收失喜故人無恙在一

樽閒話小瀛舟瀛舟舊是譚兵地籌邊往事君應記弓劒
親畱海外銘鈴韜略識師門意將軍閫外識彭亡幕府重
開七錄堂六鎮樓船空下瀨水犀傳箭又飛揚君典中樞
與戎政我亦專城寄民命何術能紓宵旰憂無才空軫
東南病一聲新雁碧雲端燭燼樽空夜向闌賦罷感時賦
懷舊碧天如水夢長安

中秋對月與諸將海上會飲

一輪月上海門秋潑水清光滿舵樓潮湧金波浮地起天
高銀漢拂星流笛聲激楚驚蛟鱷劍氣蒼茫燭斗牛酌取
一樽莫辭醉伏波橫海盡封侯

夢入天台觀瀑境極幽異詩以狀之

屏風九疊雲錦張山氣滃雲雲氣涼莓苔如席二尺厚此
間翠壁非石梁珠簾倒挂絕壁下萬斛鮫珠向空瀉仙穴
元氣沖然通別有白龍出山罅龍起欲裂青山青拍手一
喝停雲停須臾復迸勢更急水花倒捲搖瓏玲有美一人
美且頎翠袖獨倚紅闌西顧我目成若相識疑是劉阮所
遇之仙妃瓊臺金闕渺何處胡麻飯熟桃花肥一翁飲水
惟讀書吐納山綠餐松腴書中所言不盡識妙理別有壺
公壺山花襲人紅黻黻醒後翻疑尋夢轂冷然殘響滿空
山月痕正照秋屏綠

鐵梅庵宮保閱兵海上敬呈四律兼柬幕府諸子

玉節旌旗鎮上游重臣方略與南州防河已靖千屯戍籌

海重迴萬里流幕府蓮花老詞客帳前龍領舊通侯八騶
安穩東輶日雲氣蒼茫鼓角秋

礮臺突兀接青雲一碧江天遠不分大將樓船青雀舫小
戎組練水犀軍吳淞遠樹新秋色滬瀆寒濤日暮雲誰縛
水仙掃鯨穴黃頭鼓櫓自紛紛

虎牙龍武自天來薛軍門大烈楊僕樓船亦壯哉楊節鎮華北鎮應

同南鎮合軍門都傍海門開曾經鐵馬重關險親歷銅沙
百道回新向令公承節制檢渠誰是出羣才

夜分翦燭召談兵玉帳風清畫戟明當日琅嬛曾借箸今
年瀛島又親行秣陵風雨懷人夢袁浦煙波感舊情倘補
新圖乞添寫梅花庵裏小門生公舊有吳淞籌海圖

大場農家婦

江南通志大場鎮農家婦舉止修整嫣然閨中秀也夫貧蠶婦毀粧佐之日與村姑里媼輩習田間勞苦無難色間有親戚慰藉之者則斂容謝曰兒樂此不疲且非是無以奉我尊嫜也如是者十餘年有子矣以竭作故瘵死前一日忽向其夫索筆硯夫素不識丁詣鄰家假至婦見之歎曰謝此緣久何期今日遂成長別耶起題一絕云當年二八到君家刺繡無心祇棄麻今日對君無別語免教兒女依蘆花語意淒婉其生平曉義命雅自韜晦尤卓然可傳大場在今寶山縣境因事過此爲題

一詩以美之

婦人安義命難於殉貞烈貞烈兼血氣義命見婦德大場
農家婦懷才兼擅色自從嫁農家鉛華謝粧飾勞既操井
臼勤更習紡織饗殮必躬親晨昏不遑息傍人憐婉婉婦
心自謙抑黽勉奉姑嫜恐未嫻婦職如是十餘年身勞病
亦亟彌留一首詩傳鈔在殘墨臨終戀遺雛字字意愴惻
至今世傳誦儀一心不忒我今官是邦致敬表憑軾昔讀
香山詩石婦示矜式我意亦云然題詩待鐫刻

題潘次耕遂初堂詩後

詩壇誰大敵第一遂初堂古體森芒角長篇接混茫蛟龍
爭起蟄鸞鳳自孤翔莫信袁絲論天才獨擅場

隨園頗毀
次耕故云

與浣薌竹士夜話有懷湘芷虞山

雨聲淅淅風蕭蕭燭花紅暈當風搖故人意外忽相遇一
尊話舊宜深宵憶昔春明同作客春雨銅街道南宅燈下
分題壁綵箋花前縱酒揮金戟先後驅車出郭門河橋落
日黯銷魂伯勞飛燕東西別惆悵風花舊夢痕移家竟傍
蘇臺樹人生容易江南住江南依舊不相逢天涯芳草知
何處今夕無端會此間行雲疑向故山還因君別有懷人
意花影蘼蕪憶玉顏雨聲轉急疎寒柝淋漓蠟淚銅盤落
題詩應寄李君虞好山青滿西虞郭

重九日舟中風雨書寄家人

離亭寒色上垂楊秋老江城墮葉涼流水百年成過客扁

舟今日又重陽無端風雨牽離緒大好湖山憶故鄉官舍
黃花近何似一樽應已奉高堂

家荔峯學士典試閩中試竣還朝遇於吳門餞別

虎邱因成四律並寄都中諸故人兼寄曼兄清江
東南冠蓋聚吳閶金闕觚稜夢玉堂
天上文章君領袖人間花月我清狂
焚香坐雨思前事攜手停雲說故鄉
指點疎林黃葉路青天鴻雁各飛翔

南海明珠未寂寥幾番簪筆擁征軺
月明鑠院銷殘燭秋老巖城聽晚潮
終賈才名應得氣孫盧芽蘗未全消
與君閒話籌邊策左倚吳鉤右玉簫

玉簫吹月上絃遲霜冷吳楓落葉知
放棹恰宜微醉後銷

魂最是賞花時
珠燈蘭燭吳姬舫
水閣紅闌白傳祠
忽憶雲關籌海客
淮南煙樹又相思

君行歸去鳳城秋
我憶京華賦舊遊
雁外晚鐘橫白塔
煙中寒月上朱樓
暮雲翠袖懷詩社
夜雨青門老故侯
若見故人勞寄語
花消英氣酒消愁

薛軍門 御賜青驄馬歌

薛侯威望眞天人
長弓大劒清邊塵
世間凡馬控不得
房星夜降青麒麟
龍文虎脊英雄狀
名馬由來比名將
三邊青海歷滄中
萬里青雲翮天上
嘶風驚電不凡才
蹀躞瑤池歎玉來
十二天閑盡神駿
衆中第一是龍媒
戈壁霜寒雲作陣
金牌首署臣筠進

馬爲伊犁將軍松筠所進

奚官攬轡御雙龍

畫史簪毫圖八駿將軍三箭定天山較射宮門見一斑一
笑至尊親賜與玉花飛白出人間至尊御人如御馬
肯使驂驪久居下九重詆蕩天門開鑄銅刻玉都嫺雅
將軍御馬若御人赤手翦鬣三花春長嘶顧盼感知已此
馬亦是飛將軍平臺受詔金符出經略江南天語密
萬人夾道看飛龍河西三萬無此匹立馬籌邊指海霞戈
船樓艣靖簫笳他時同畫凌煙閣應勝郭家獅子花

吳淞詩吏

寶山司倉吏鮑之涓能詩有句云書同美色看逾
好及晨爨虛時偏畫水敝裘典後忽春寒二語殊
有思致作此示之

黃綢裏篆案消塵正是諸曹退休晨偶向花前緝短句因
知海上有詩人閒情美色知誰好佳句春寒解賦貧爾是
江南鮑孤雁稻粱休累苦吟身

歲暮犒吳淞川沙兩礮臺水師軍士竝呈良淵節鎮
其醉蒲桃酒百杯轅門吉語響如雷橫簫直笛軍中樂繡
幕油幢上將臺挾纈自慙冬日愛投醪深媿古人才雪花
橫海春潮急記取椎牛饗士來

乞松壺畫花源草堂卷子先之以詩花源西溪梅花
最深處也

我昔獨遊入河渚平疇高下溪橋橫漁舟暝與鷗鷺宿樵
逕靜看麇麇行林外秦亭山一角微雨連宵春樹綠梅花

開後松花開山中故人酒應熟思買十畝渚上田全家同
上烏篷船遠從花源溯花海臥聽林鳥啼春煙宦隱仍在
菰蘆間峯巒惜少溪南山青琴高枕夢秋雪萬樹明月尋
漁灣綠楊繞郭白魚活身是吳淞欲歸客未得花源畫裏
居且向松壺筆端乞

和作

錢 杜

君家草堂鄰鶴渚十里五里花枝橫門開菱藕最深處
但有鷗鷺無人行東風窺人入籬角一夜前山破斜綠
烏几支頤客未來漁竿放手茶剛熟老夫舊有溪上田
看花時坐瓜皮船櫓枝搖月入香海小柴門底穿春煙
君今作宦吳淞間退衙屢夢西溪山賦詩索我畫詩意

臥遊先到鷗鷺灣
灣東灣西春水活
一路山花笑迎客
移家便住武陵源
勾漏丹砂須早乞

琴河女士歸佩珊謂余神似隨園感而有作

小倉山下萬株梅
想見山翁手自栽
江左文章寓公筆
人間花月謫仙才
名場壁壘誰千古
宦海波瀾又幾回
媿說風情似臨汝
西溪漁隱未歸來

神珠引

寶山城臨大海有蚌甚巨吐珠光若明月今漸徙
去百里外然當雨後日落往往吐氣燭霄漢餘光
猶照及塘上土人云曾有八龍取之龍鬪不勝而
去夫以八龍之力不能取一珠則此珠其神矣蕭

顧道堂詩選卷九

三

樊邨作神珠引余因和之尊鄉綴筆載此事與此
小異

吳淞江上水接天昔人曾見神珠圓吳淞江上水如霧今
人祇說神珠去神珠去後不可尋翰晦疑入重淵深有時
寶氣出東海赤光照見珊瑚林海濱遺事居人說八部天
龍奪不得一龍被嚙七龍遁終古滄江一明月明月在天
珠在海激射星河關光采但見騰精燭九霄豈知孕魄經
千載神女弄珠知有無更千載後應如何神珠會有歸來
日不數淮南璧社湖

春夜讌楊節鎮樓船

將軍招我讌樓船拍岸春潮水接天蔽海旌旗風捲雪隔

江燈火月橫煙排空蛇鳥盤奇陣徙宅魚龍避控絃親酌蒲桃酌諸將長纓誰與縛頑仙

婁東訪曇陽仙子祠

仙子王文肅公錫爵仲女名壽貞通經史仙佛之書弇州兄弟皆師事之以萬厯八年重九日仙去事詳弇州文集及邑人所輯曇陽徵信錄

桃花初放柳初絲來訪城南玉女祠久已春山銷翠黛依然新月畫蛾眉青鸞跨去知何處絳節歸來定幾時畱得仙壇遺蹟在繁香滿地讀殘碑

靈飛眞誥擁瑤簪寫韻軒遙別有天老輩竝容稱弟子美人原合作神仙靈籙曾識三生事瑤瑟應知小謫年我懺

凡心思學道焚香頂禮玉臺前

滄海西頭散暮霞前身原是婉凌華
偶從香國尋瑤島許謁雲容禮絳紗
花裏簾櫳春散蝶月中樓閣晚啼鴉
銅龍門第蒼涼甚回首前朝宰相家

子虛亡是不須聽太息當年玉茗生
倩女離魂原縹緲才人薄福是聰明
青天月好雲終散碧海風迴水自平
一笑牡丹亭畔夢任他譜入玉簫聲
世傳湯若士牡丹亭即爲曇陽而作以奔洲文證之知若士之誣矣

十九夜夢遊淮神廟梅花盛開詩以紀異

峯迴路轉谿谷窮飄然送我桐柏宮
瓊臺高出萬花上花間雙立青芙蓉
萬重香雪照海水海潮浮動春溶溶
潮來

香逐水花長潮落香與浮雲空彷彿羅浮舊時境況有編
袂仙人逢一雙玉女好顏色其一雲顰頤而豐朱闌十二
各徙倚疑是弄珠神女來相從我昔看花禹王廟綠萼華
綠紅羅紅雲關直走古淮口郁洲青立滄溟東雲臺山即古鬱洲山
今陸路可達在海州境卽今美人灣西銀浦屈蜃樓魚國悲洪濛時在合龍
花塘未黃樓詩成頌河復胎簪羽衛司元功神香星使倘
相告淮南花月恬魚龍晚潮東下各無語落花如雪吹天
風醒來庭樹下殘月幾枝疎影橫窗重

以詩集寄靈隱書藏賦呈琅嬛主人並柬寺僧玉峯
萬古江河接混茫雕蟲小技悔猖狂不知後世何人識且
付名山古佛藏媿我聲名壓元白羨公才力抵蘇黃一編

寄與東林去依舊琅嬛禮瓣香

青陵臺甄研歌

阮雲臺師撫豫得古甄於衛輝之野有古篆曰岑
隆龔考岑卽青字山汗簡隆卽陵字出王庶子碑
龔卽臺字出王惟恭黃庭經則是青陵臺甄也青
陵臺爲宋康王思舍人韓憑妻所築事見古樂府
太平寰宇記以爲在河南道濟州郛城縣一統志
以爲在開封府封邱縣界其爲六國時甄無疑師
製爲研搗本見示因作此詩

芙蓉匣底櫻桃雨苔花繡篆凝香乳怨女貞魂不可磨
片青陵臺下土青陵臺迴起如陵玉臧雕楹上幾層廢址

蒼茫春草盡舍人遺事說韓憑蘭芝新婦顏如玉鳬雁明
星詠蘿屋貞靜長懷庶女心嬋媛偶入君王目高建崇臺
接九衢君王好色學秋胡可憐五馬踟躕意豈識羅敷自
有夫南山有鳥北山羅日出當心水在河絕筆願教同穴
死君王一怒竟如何華山畿唱人間曲異聞彷彿同梁祝
臺上雙棲竝命禽臺前連理相思木弄玉乘鸞去若仙懷
清舊事又千年漢宮有客珍殘瓦金谷何人識故軀玉蟾
蜍水涵清淚欲起蘇卿譚軼事樂府誰繙烏鵲歌香魂不
化駕鸞字彤管新編待補亡千秋古墨自生香西行莫更
尋銅雀漳水東流自夕陽

秋曉渡江

片帆遙對海門開曉色蒼涼勸酒杯雲過青山秋色斷風
生碧樹早潮來前塵明月瓊花老昨夜新涼玉簫催南北
渡江今幾度扣舷吟罷更徘徊

揚州秋雨與篠溪別

相逢相別又揚州一枕篷窗作臥遊花月蒼涼塵外夢江
山金碧雨中秋蕭蕭落葉長淮水隱隱簫聲舊畫樓揮手
匆匆感行役重來擬爲翦燈畱

夜泊露筋祠

白蓮映殘月正泊露筋祠涼露娟娟下微風颯颯吹停雲
又今日阻雪憶當時坐久客無寐飛蚊繞鬢絲

舟行見水荻花娟娟可愛因爲賦之

夾岸疎紅隱畫橈。水蕙花發驛邊橋。娟娟鏡裏低秋雨，瑟瑟江邊送晚潮。白苧衣裳遊子冷，青蘆城郭故人遙。自憐不及芙蓉色，敢向西風怨寂寥。

梅庵宮保以失察屬吏被議，竝有西域之行。余以轉餉適至家，曼亦自紀障來，過於袁浦。河干送別，感舊述懷，因成二律。

黃河嗚咽作離聲。此去眞爲萬里行。戀闕定知瞻北極，籌邊應復紀西征。秣陵夜雨懷人夢，袁浦秋風錄別情。一片離心畱不住，天風吹過古龍城。

征車先後蒞河干。兄弟相逢恰解鞍。知己但餘心鄭重，感恩各有涕汎瀾。玉臺作敘前緣重，畫戟談兵舊夢殘。愁絕

玉門天樣遠邊笳吹雪不勝寒

重過揚州訪篠溪不值留句題壁

竹西歌吹古揚州準擬重來一度遊客子有情同載酒故人何處獨尋秋綠楊城郭詩中畫明月簾櫳水上樓不看
璚花便歸去壁間殘墨爲君留

揚州夜泊

雲外雁聲流算前起旅愁秋風生海樹明月上江樓蘭麝
箋香譜煙花弔玉鉤清燈照無寐今夜泊揚州

八月八日渡江登金山徧覽名蹟上妙高臺竝登浮

圖絕頂因成古詩一章

大江從西來海潮自東上小孤峙其脊崇沙扼其吭金焦

兩點青姬嬾出塵。坎浮玉近京口。幾度過吳楊。落日停片
帆。衝波劃雙槳。落葉滿寺門。蕭蕭踏塵。緬海雲宿僧樓。江
影動。佛像福地水。天浮香界魚龍。仰煙霞夕。照明金碧朝
陽晃。裴公昔開山。石室面平敞。東坡畱帶去。禪機入清想。
當日翠華泣。一一邀宸賞。江山一覽收。御筆輝龍
象。巍巍文津閣。江天對書幌。仗彼佛力慈護。此聖教廣直
上。妙高臺。沈寥天。更朗長生焉。可學禪榻同惘惘。僧雛導
登塔。梯枕步石磯。初地至絕頂。眼界始明爽。南抱潤州郭。
三山俯平壤。北挹瓜洲渡。一碧平如掌。東下海門關。蓬萊
隔雲幌。神仙虛無中。天風吹鶴警。西指秣陵樹。青山猶姓
蔣。勝地吳楚盡。遺事齊梁往。憑闌獨懷古。悲歌成慨慷。此

江發源處峨岷雲莽莽此山生何年蓮花應更長波濤洗
今古日月浴泱泱手攬殘霞明胸掩層雲盪一杵暮鐘動
已答歸潮響他年訪松寥雙鼎篆親彷彿

妙高臺題壁

秋風吹落葉同上妙高臺畱帶人長往題襟我正來天空
初雁過江闊亂帆開六代英雄事茫茫去不回

偶憶唐人登金山寺塔詩語欠雅馴因作一詩校之
同不工也

七層塔勝七層樓今我來登最上頭面面闌干俯晴昊重
重檐鐸響中流長空雁帶江雲暮極目風迴海樹秋西指
秣陵天一角六朝曾作帝王州

題萬花小隱印章後

武林舊事載西湖北山有萬花小隱園是南宋謝
太后故宅余欲買山而隱犀泉謂余旣以西溪爲
漁隱宜以西湖爲花隱因作小印見貽旣訂耦耕
兼盟息壤余名場跌蕩媿非高臥元龍宦海浮沉
已作倦遊司馬懷舊撫今不能無感因口占二十
八字并乞犀泉鐫之左方

江南佳麗情無限宦海波瀾感未終何日扁舟竟歸去一
盃小隱萬花中

秋夜曼雲吟館對月有懷曼兄兼呈雲臺師

己未庚申之交與曼兄同客雲臺師武林節署琅

嬛仙館主人關別室署曼雲吟館爲余兩人下榻之地竝云他日同官京華亦署此室以相待也余與家曼亦戲言他日或同官或同里各署此室以待過從忽忽以來遂及十稔師重撫浙江而余與曼兄同爲外吏又同改官江南顧師駐節雖近而省會間隔兄同省會而久在河上近又攝篆紀障相去千里而遙今師又以被議入都雲萍之蹟離合靡定余因於吳門寓次東偏潔三楹爲曼雲吟館以待兄之來秋夜獨坐惺然有懷因成四律

憶昔琅嬛館龍門坐絳紗焚香春話雨觴月夜傳花籌海三千牘譚經五百家平津精舍在回首各天涯

我作京華客君爲嶺海遊三年遠離別一夕小勾留畫舫
圍燈夜黃河落葉秋浮雲感蹤蹟聚散不勝愁
宣防各辛苦宦轍共江南驛路程千百封書月二三更番
頻掃榻有約待停驂明月西窗好遲君翦燭談

龍節朝 天去扁舟遠送行懷人秋一路話舊月三更宮
樹疎瓊島明河帶鳳城觚稜金闕夢望遠若爲情

得梅史皖江書卻寄並懷古雲

盛唐秋色渺江湖有客天涯遠寄書風雨重陽憐異地耕
漁舊約憶當初茹香閣遠征鴻逝雲繪園荒落葉疎回首
前遊嗟夢幻青門歸客問何如

月夜過翠羽樓聽丁小必彈琴

一桁湘簾捲暮雲紅闌小閣又黃昏琴聲似水秋生楊花
影如朔月到門絲竹中年原善感水天閒話最銷魂近來
大有枯禪意祇許冰絃伴酒尊

聞雁有懷梅庵宮保塞外

一聲嘹唳撥雲開知爾新從塞上來戈壁秋風青海雪征
人應過白龍堆

商聲敼敼驚秋老殘雨瀟瀟坐夜闌瘦影一燈心萬里玉
門關外不勝寒

答王仲瞿見贈之作卽用原韻題其種秋堂詩集

蒼茫弔古獨登臺詩亦如人有別裁萬馬高文通二氏九

齡奇字識三才

君歸歸從師受天地人三字
三年而畢故君博通有根柢書從唐述山

中寫句自陳芳國裏來知爾長吟搔首處名心未共壯心
灰

猿公親授玉韜新劇孟英名冠虎臣萬里從軍思殺賊

苗疆

川楚用兵君往來行間者數載

十年作客尙依人尊前說劒封侯夢市上

吹簫乞食身一卷扶風豪士錄奇鷹劣馬寫來真

炙輠能言海大魚一編古史掩陳徐曾摹秦相餘三字

君補

李斯書秦東門三字於成山

未坐張寬第七車大婦慧能通畫理奇兒

閒亦讀兵書

君婦金五雲畫極工子善才有父風

可憐絕世含光俠老向泉

橋質廬居

維摩禪榻散曼那回首漂零感婉娥夢裏煙花殘淚少卷
中金粉舊人多名從失意方知誤才到真奇定不磨君寫

英雄我兒女吹笙閒與說皇嫺

原作

王曇

不許徐陵續玉臺春坊宮體出心裁孽填愛海三生願
筆補情天五色才樂府舊聞風散盡女皇國史手修來
名姬列傳英雄記自有先生死不死

本事詩傳字字新強將劉向作功臣小戎女子多名將
作史班姬是婦人萬卷書通名媛傳一毫端現宰官身
國風好色離騷怨不及春秋記事真

次第姪媛似貫魚別開生面屬班徐搜窮野史無雙譜
博極中郎第四車記事合須男左右選官當作女尚書
遲君成佛生天去七寶樓中盡起居

記滿妝臺一剎那當今才子古姮娥
大唐法曲霓裳好
小宋修書蠟淚多名士心肝輕嘔盡英雄年
歲易消磨
可憐一管伶元筆不掄都良事女媧

和舒鐵雲見贈之作卽用原韻

紅梅白石又三生禁柳宮鴉憶鳳城
史學傳家李百藥遊
仙入夢董雙成溫邢壇坫開詩派
嚴樂文章讓筆精我識
王褒與孫綽十年南北共蜚聲
君在都下與仲瞿子蕭齊名梧門祭酒作三君詠
青衫涕淚話長安我輩功名蜀道難
鸚鵡誰憐禍處士鴈
鳩空說鄭都官看人作宦風波苦
將毋閒居歲月寬今日
旗亭一尊酒與君風雪鬪清寒

元戎萬騎夜傳箋東髮從軍憶昔年
太白仙才歷江漢少

陵詩史紀開天前緣兒女真如夢末路英雄只有禪雲
娘歸郎生老粉園香陣散如煙

君在威勤伯勒公戎幕佐理苗疆軍務識龍公妹之

爲人

酒痕猶在舊衣襟同向詩龕作越吟閣道萬家春樹遠
稜雙闕暮雲沉素箏濁酒頻相憶寒月梅花或見尋擬乞
鴛鴦亭畫史寫君來聽伯牙琴

君與曉泉比屋而居

原作

舒位

前身倘是玉溪生附鶴棲鸞住碧城絕代輞軒題欲徧
仙山樓閣畫難成偶因垂手翻金縷閒看梳頭隔水精
腸斷西崑三十六絲絲楊柳又添聲

萬卷書騰一字安撚髭容易折腰難洞天福地三生業

賸水殘山七品官。主客圖成詩派在。英雄記裏酒杯寬。
莊嚴色相清華骨。郊島何勞鬬瘦寒。

上元細字衍波箋。紅杏枝頭鬬幾年。壓倒兩家長慶集。
放還一榜大羅天。美人香草癡于夢。流水桃花別是禪。
不覺更闌成洛誦。消磨燭淚與茶煙。

春明門外憶題襟。歸燕詩隨別鶴吟。金線衣裳殊出處。
玉階書札共浮沉。種花譜在囊中貯。舂米人從廡下尋。
同向姑蘇城裏住。吹簫何似且彈琴。

夜寒不寐有懷梅庵宮保塞外

一丸冷月墮漫漫。燭炮灰深坐夜殘。遠雁定從青海至。征
人初歷玉關寒。驚心門戶分牛李。讀史功名憶范韓。萬馬

冰霜千帳雪遙知
西域望長安